

non peccabunt, qui elucidant me, vitam aeternam habebunt. Cap. 24. ¶. 30. & 31.

O. S. C. S. M. E. C. A. R.

BREVES DE QUE SE HACE MEMORIA en el folio 171 de este Escrito, que originales he tenido en mis manos, y traslado fielmente.

BENEDICTUS PAPA XIV.

Ad perpetuam rei memoriam.

CUM sicut accepimus in Ecclesia Monasterii Monialium Sanctae Agnetis Civitatis Mexicanae una pia, & devota utriusque sexus Christi fidelium Confraternitas sub titulo B. Mariae Virginis de Lumine, seu de Luce nuncupatae (non tamen pro hominibus unius specialis artis) canonice erecta, seu erigenda existat, cujus Confratres, & Consorores quam plurima pietatis, & charitatis opera exercere consueverunt, seu

intendunt; Nos, ut Confraternitas hujusmodi majora in dies suscipiat incrementa, de Omnipotentis Dei misericordia, ac BB. Petri & Pauli Apostolorum ejus auctoritate confisi, omnibus utriusque sexus Christi fidelibus, qui dictam Confraternitatem in posterum ingredientur, die primo eorum ingressus, si vere poenitentes, & confessi Sanctissimum Eucharistiae Sacramentum sumpserint, plenariam; ac tam descriptis quam pro tempore describendis in dicta Confraternitate Confratribus, & Consororibus in cuiuslibet eorum mortis articulo, si vere quoque poenitentes, & confessi, ac sacra Communione refecti, vel quatenus id facere nequierint, saltem contriti nomen Iesu ore, si potuerint, sin minus corde devote invocaverint etiam plenariam; nec non eisdem nunc & pro tempore existentibus dictae Confraternitatis Confratribus, & Consororibus etiam vere poenitentibus, & confessis, ac sacra Communione refectis, qui praedictae Confraternitatis Ecclesiam, seu Cappellam, vel Oratorium die festo principali dictae Confraternitatis per eosdem Confratres semel tantum eligendo, & ab Ordinario approbando a primis vesperis usque ad occasum Solis diei hujusmodi singulis annis devote visitaverint, & ibi pro

(194.)

Christianorum Principum concordia, haeresum extirpatione, ac Sanctae Matris Ecclesiae exaltatione pias ad Deum preces effuderint, plenariam similiter omnium peccatorum suorum indulgentiam, & remissionem misericorditer in Domino concedimus. Insuper dictis Confratribus, & Consororibus etiam vere poenitentibus & confessis, ac Sacra Communione refectis Ecclesiam, seu Cappellam, vel Oratorium hujusmodi in quatuor aliis anni feriatis, vel non feriatis, seu Dominicis diebus praememoratos Confratres semel tantum etiam eligendis, & ab eodem Ordinario approbandis ut supra visitantibus, & ibidem orantibus, quo die istorum id egerint septem annos, & totidem quadragenas: quoties vero Missis, & aliis Divinis Officiis in Ecclesia, seu Cappella, vel Oratorio hujusmodi pro tempore celebrandis & recitandis, seu Congregationibus publicis ejusdem Confraternitatis ubivis faciendis interfuerint, aut pauperes hospitio suscepient, vel pacem inter inimicos composuerint, seu componi fecerint, vel procuraverint, necnon etiam, qui corpora defunctorum tam Confratrum, & Consororum hujusmodi, quam aliorum ad sepulturam associauerint, aut quascumque Processiones de licentia Ordinarii faciendas, Sanctis-

(195.)

simum Eucharistiae Sacramentum tam in Processionibus, quam cum ad infirmos, aut alias ubique, & quomodocumque pro tempore deferuntur, comitati fuerint, vel si impediti Campanae ad id signo dato, semel Orationem Dominicam, & Salutationem Angelicam dixerint, aut etiam quinques Orationem, & Salutationem easdem pro animabus defunctorum Confratrum, & Consororum hujusmodi recitaverint, aut devium aliquem ad viam salutis reduxerint, & ignorantibus pracepta Dei, & ea, quae ad salutem sunt, docuerint, aut quodcumque aliud pietatis, vel charitatis opus exercuerint, toties pro quolibet istorum operum exercitio sexaginta dies injunctionis eis, seu alias quomodolibet debitum poentiis in forma Ecclesiae consueta relaxamus. Praesentibus perpetuis futuris temporibus valituris. Volumus autem ut si alias dictis Confratribus, & Consororibus praemissa peragentibus aliqua alia Indulgentia perpetuo, vel ad tempus nondum elapsum duratura concessa fuerit, praesentes nullae sint; utque si dicta Confraternitas alicui Archiconfraternitati aggregata jam sit, vel in posterum aggregetur, aut quavis alia ratione uniatur, vel etiam quomodolibet insti-tuantur, priores, & quaevis aliae litterae Apos-

tolicae illis nullatenus suffragentur; sed ex tunc eo ipso pariter nullae sint. Datis Romae apud Sanctam Mariam majorem, sub annulo Piscatoris die XXX. Aprilis M. DCC. LIV. — Pontificus nostri anno decimoquarto. — Pro Domino Cardinali Passioneo Joannes Hosius. Substitutus. — Pasada por la Comisaría general de Cruzada en 18 de Febrero de 1755. — Por el Consejo de Indias en 10 de Marzo de 1755.

BENEDICTUS PAPA XIV.

Ad futuram rei memoriam.

OMNIUM saluti paterna charitate intenti sacra interdum loca indulgentiarum munieribus decoramus, ut inde fidelium defunctorum animae Domini nostri Jesuchristi, ejusque Sanctorum suffragia meritorum consequi, & illis adjutae ex Purgatoriis poenis ad aeternam salutem per Dei misericordiam perduci valeant. Volentes igitur Ecclesiam Monasterii Monialium Sanctae Agnetis Civitatis Mexicanae, & in eo situm Altare Confraternitatis sub titulo B. Mariae Virginis de Lumine, seu de Luce nuncupatae simili ad praesens privilegio minime decoratum hoc speciali dono illustrare, de Om-

nipotentis Dei misericordia, ac BB. Petri & Pauli Apostolorum ejus auctoritate confisi, ut quandocumque Sacerdos aliquis Secularis, vel Regularis Missas defunctorum in die Commemorationis defunctorum, & singulis diebus intra illius octavam, ac in una feria cuiuslibet hebdomadae per Ordinarium designanda pro anima cuiuslibet Confratris, & Consororis dictae Confraternitatis, quae Deo in charitate conjuncta ab hac luce migraverit, ad ipsum Altare celebrabit, anima ipsa de thesauro Ecclesiae per modum suffragii Indulgentiam consequatur: ita ut ejusdem Domini nostri Jesuchristi, ac Beattissimae Virginis Mariae, Sanctorumque omnium meritis sibi suffragantibus à Purgatoriis poenis liberetur, concedimus, & indulgemus. In contrarium facientibus non obstantibus quibuscumque. Praesentibus ad quindecim annos tantum valitidis. Datum Romae apud Sanctam Mariam majorem sub annulo Piscatoris die XXX. Aprilis M. DCC. LIV. Pontificatus nostri anno decimoquarto. — Pro Domino Cardinali Passioneo Joannes Hosius. Substitutus. — Pasada por la Comisaría general de Cruzada en 18 de Febrero de 1755. y por el Consejo de Indias en 6 de Marzo de 1755.

CAPILLA ALFONSINA
U. A. N. L.

Esta publicación deberá ser devuelta antes de la
última fecha abajo indicada.

IFCC 636

BT660

. L9

A5

42518
FEVT

AUTO

ALCOCER, José Antonio

TITULO

Carta apologética...

FECHA DE

M
SA
B

B
A